

**1 m<sup>3</sup> suv uchun tarif qiymati-320 sum  
QQS bilan- 368 so'm**

## **SUV TA'MINOTI BO'YICH A 7-SONLI SHARTNOMA**

**2021 yil "20" dekabr**

**Buxoro shahar**

Ushbu shartnoma "Damxuja suv ta'minoti" mas'uliyati cheklangan jamiyati (bundan buyon "Ta'minotchi" deb yuritiladi) nomidan Nizom asosida faoliyat yurituvchi direktor Jamolov Qodir Ramazonovich, shaxsida, bir tomondan va keyingi o'rnlarda "Iste'molchi" deb yuritiluvchi "Samarqand suv ta'minoti" mas'uliyati cheklangan jamiyati, direktor Yusupov Komilbek Shuhratovich, ikkinchi tomondan quyidagilar haqida tuzildi:

### **I. SHARTNOMA PREDMETI**

1.1. 2022 yilda ichimlik suv yetkazib berish hajmi **7 700 000 m<sup>3</sup>** ni va **1m<sup>3</sup> suv uchun 320 so'm**, 15% QQSn hisobga olib, umumiy qiymati **2 833 600 000** (ikki milliard sakkiz yuz o'ttiz uch million olti yuz ming) so'mni tashkil qiladi.

"Iste'molchi" tomonidan to'lov oyma-oy tarzda "Ta'minotchi" tomonidan taqdim qilingan hisob varaq-fakturalarga asosan, korxonamizning yuridik hisob raqamiga suv ta'minoti uchun o'tkazilgan mablag'lar orqali amalga oshiriladi.

1.2 "Ta'minotchi" "Iste'molchi"ni O'zDSt 950: 2011 "Ichimlik suvi. Gigiyenik talablar va sifat nazorati" amaldagi standartga muvofiq ravishda barqaror ta'minlaydi. Ushbu standart nazorat Davlat sanitariya-epidemiologiya nazorati tomonidan amalga oshirilib beriladi.

1.3. "Iste'molchi" o'rnatilgan muddatlar ichida "Ta'minotchi"ga ko'rsatilgan suv ta'minoti uchun to'lovlarni o'z vaqtida amalga oshirish majburiyatini o'z zimmasiga oladi.

1.4. Taraflar ushbu shartnomaning suv ta'minoti shartlarini bajarish, O'zbekiston Respublikasi Vazirlar Mahkamasining 2014 yil 15 iyuldaggi 194-sonli qarori bilan tasdiqlangan "Iste'molchilarga suv ta'minoti va oqova svuni chiqarish xizmatlari ko'rsatish Qoidalari"ga (keyinchalik matnda – Qoidalalar deb yuritiladi), O'zbekiston Respublikasi Prezidentining 2017 yilning 16 noyabr kunida qabul qilingan PQ-5241-sonli "Suv ta'minoti va suv chiqarish sohasida to'lov intizomini tubdan takomillashtirish to'g'risida"gi Farmoni, O'zbekiston Respublikasi Vazirlar Mahkamasining "Iste'molchilarga suv ta'minoti va oqova svuni chiqarish xizmatlari ko'rsatish Qoidalariiga o'zgartirish va qo'shimchalar kiritish to'g'risida" 2018 yil 23 noyabrdagi 950 –son qarori, hamda "Ta'minotchi" tomonidan taqdim qilingan kommunal suv yetkazib berish uchun ruxsat etuvchi hujjalarga rioxal qilish majburiyatini o'z zimmasiga oladilar.

1.5. "Iste'molchi" "Ta'minotchi"ni o'z vaktida suv o'tkazish xo'jaligidagi bank ma'lumotlari va yuridik manzilidagi o'zgarishlar haqida xabardor qiladi

### **II. UMUMIY QOIDALAR**

2.1. Ichimlik suvi bilan ekinlarni sug'orish, hovlilar, piyodalar yo'lakchalariga o'rnatilgan vaqtidan tashqari suv sepish xamda ichimlik suvidan avtomashinalarni yuvish uchun foydalanish qat'yan man etiladi.

2.2. Kommunal suv ta'minoti tizimlaridagi ichimlik suvi "Iste'molchi" (sub-iste'molchi)larning xo'jalik-iste'mol va kommunal-maishiy ehtiyojlari, yong'inlarni o'chirish shuningdek, ichimlik suvi talab etiladigan texnologik va ishlab chiqarish jarayonlari uchun mo'ljallangan.

“Ta’minotchi”ning texnik imkoniyatlari mavjud bo’lgan holatlarda, ixtisoslashgan iste’molchilarga ichimlik suvi markaziy communal suv ta’minoti tizimlaridan yetkazib beriladi.

2.3. Hisoblash qurilmalari O’zbekiston Respublikasi Prezidenti huzuridagi Loyiha boshqaruvi milliy agentligi qoshidagi Akkreditasiya markazining maxsus akkreditasiyasidan o’tgan organlar tomonidan tekshirilgan va tamg’alangan bo’lishi va suv o’lhash tarmog’i communal xo’jaligi tashkiloti tomonidan tamg’alanishi lozim.

2.4. Iste’molchi”ga o’rnatalishi lozim bo’lgan suv o’lhash qurilmasining shartli o’tkazgichining diametri (kalibri) hisob-kitob asosida aniqlanadi, obyektning maksimal suv iste’moli va minimal suv iste’moliga tekshiriladi va “Iste’molchi” bilan kelishiladi. Hisoblash qurilmasi uchun o’rnatalgan minimal iste’mol miqdoridan kam miqdorda suv iste’mol qilinganda, “Ta’minotchi” suv o’lhash tarmog’ini qaytadan qurilma bilan ta’minlash uchun ko’rsatma beradi, ushu ko’rsatma bajarilmaganda hisoblash qurilmasining ko’rsatkichlari qabul qilinmaydi va hisoblash Qoidalarda o’rnatalgan tartibda amalga oshiriladi.

2.5. Suv o’tkazish-rekonstruksiyasi, hisoblash qurilmalarini ishga tushirish, hisoblash qurilmalarini almashtirish, “Iste’molchi” tomonidan faqat “Ta’minotchi” tarafidan tasdiqlangan texnik shartlar va loyiha asosida amalga oshirilishi mumkin bo’lib, ular “Iste’molchi”ning so’rovnomasi asosida barcha tasdiqlovchi hujjatlarni ilova qilgan holda beriladi. “Ta’minotchi” dan olingan texnik shartlar asosida, “Iste’molchi” buyurtmasiga asosan, amaldagi me’yor, qoidalar va boshqa me’yoriy hujjatlar asosida loyihalashtirish tashkiloti tomonidan ulanish loyihasi ishlab chiqiladi.

2.6. Qurilgan ulamalarning ishga tushirilishi “Ta’minotchi” tomonidan, “Iste’molchi” va qurilish tashkilot vakillarining ishtirokida amalga oshiriladi.

2.7. Agar suv ta’minoti xizmatlari uchun narxlarda o’zgarish vujudga kelsa, to’lov yangi tariflar asosida amalga oshiriladi.

### **III. TARAFLARNING HUQUQ VA MAJBURIYATLARI**

#### **3.1 Iste’molchining huquqlari:**

a) “Ta’minotchi”dan u bilan tuzilgan shartnoma asosida, ichimlik suv xizmatlarining uzuksiz amalga oshirilishini, o’z hayoti va sog’lig’iga, mulkiga xavf tug’dirmaydigan darajadagi sifat va miqdorda ichimlik suv berilishini talab qilish;

b) tegishli sifat darajasidagi ichimlik suv tarmoqlariga xizmat ko’rsatish talablarini bajarmaganligi uchun “Ta’minotchi” dan qonunchilikda va shartnoma shartlarida ko’rsatilgan miqdorda jarima (penya)lar to’lashni talab qilish;

v) “Ta’minotchi”ni shartnomani bekor qilish to’g’risida uning bekor qilinishidan kamida 15 kun oldin ogohlantirgan holda va ushu muddatda suv ta’minoti yoki oqova suvni chiqarish bo’yicha ko’rsatilgan xizmatlar uchun to’lovlarni to’liq amalga oshirgan holda shartnomani bir tomonlama bekor qilish;

g) ichimlik suv ta’minoti uchun amalga oshirilgan to’lovlarning holati, qarzlarning yo’qligi haqidagi ma’lumotlar va ma’lumotnomani (shaxsan yoki o’z vakili orqali) bepul olish;

d) “Ta’minotchi” dan ichimlik suv ta’minoti xizmatlari hajmi va sifati, ularni amalga oshirish shartlari, to’lovlar tarifi va tartiblarining o’zgarishi haqidagi ma’lumotlarni bepul olish;

ye) ichimlik suv ta’minoti bo’yicha xizmatlar ko’rsatilmayotganligi yoki ularning past sifatda ekanligi to’g’risidagi dalolatnama taqdim etilgandan keyin 18 soat mobaynida “Ta’minotchi” dan nosozlik va kamchiliklarni bartaraf etish chora-tadbirlari to’g’risidagi ma’lumotlarni olish.

yo) Davlat sanitariya-epidemiologiya markazi organlari tomonidan tasdiqlangan amaldagi standartlarga javob berafigan sifatlari ichimlik suvi bilan ta’minlanmaganlik (sifatsiz ichimlik suv mavjudligi aniqlangan davrdan u tegishli darajaga olib kelingan vaqt) uchun qayta hisob-kitob amalga oshirilishini talab qilish.

#### **3.2 Iste’molchining majburiyatları:**

a) shartnomalarini bajarish;

b) o'zining hududida joylashgan va ularga tegishli bo'lган ichimlik suv va qurilmalarining zarur darajada qo'riqlanishini ta'minlash, ularning buzilishi, suv bosishi va muzlab qolishiga yo'l qo'ymaslik, quduqlarning qopqog'ini qor va muzdan tozalash, "Ta'minotchi" tomonidan o'rnatilgan tamg'alarning saqlanishini nazorat qilish, yong'inga qarshi gidrantlarga o'tish yo'llarini bekitmaslik, ko'rsatilgan yong'inga qarshi gidrantlarning ko'rsatkichlari yaxshi ishlashini nazorat qilish;

v) "Iste'molchi" hududida yoki uning tasarrufidagi suv quvuri va qurilmalarining ustiga turli buyum va materiallarning yig'ilishiga hamda suv quvuri qurilmalarining ustidan inshootlar qurilmasligini, shu jumladan, tashqi (ko'cha va kvartal ichidagi) suv quvuri va qurilmalarining ustidan inshootlar qurilishiga yo'l qo'ymaslik;

g) tranzit kommunal suv quvuri, qurilmalarining nuqtalarida o'zlari aniqlagan har qanday shikastlanish, buzilishlar haqida zudlik bilan "Ta'minotchi" ni xabardor qilish;

d) suvni hisobga olish asboblarida yaqqol ko'rinish turgan nosozliklar aniqlanganda, aloqa vositalari orqali "Ta'minotchi" ga xabar berish;

e) "Ta'minotchi" bilan tuzilgan shartnomaga muvofiq majburiyatlarga rioxal qilish, har oyning 23 dan 25 gacha sanasida ko'rsatkichlarni o'z vaqtida va aniq yozib olish va ushbu ko'rsatkichlarni "Ta'minotchi"ga joriy oyning oxirgi kunidan kechikmagan holda ma'lumotlarni taqdim qilish va to'lovnini amalga oshirish;

yo) "Ta'minotchi"ni o'z vaqtida suv o'tkazish xo'jaligidagi bank ma'lumotlari va yuridik manzilidagi o'zgarishlar haqida xabardor qilish;

j) "Ta'minotchi"ga tegishli bo'lган iste'molchiga qarashli yoki uning hududida joylashgan ichimlik suv tarmoqlari va qurilmalardan texnik jixatdan samarali foydalanishni ta'minlash;

i) "Iste'molchi" hududida joylashgan suv o'lhash tarmog'i, kommunal suv o'tkazish ishlarning bajarilishiga begona shaxslarni qo'ymaslik;

l) jamoat suv tizimlari obyektlariga shikast yetkazgan "Iste'molchi" darhol "Ta'minotchi"ga xabar berishi va yetkazilgan zararni qoplash uchun "Ta'minotchi" texnik nazorati ostida o'zi yetkazilgan shikastlanishni bartaraf etish va bexuda sarf kilingan suv narxini to'lashi shart.

### 3.3 "Ta'minotchi"ning huquqlari:

a) "Ta'minotchi" iste'molchini 7 kun avval xabardor qilgan holda, quyidagi hollarda, suv uzatishni to'liq yoki qisman to'xtatish huquqiga ega:

b) "Iste'molchi" hududida joylashgan va uning tasarrufidagi suv uzatish, moslama va qurilmalarining texnik holati qoniqarsiz holatda bo'lsa va "Iste'molchi" texnik foydalanish qoidalarini buzish natijalarini "Ta'minotchi" vakillari talabiga ko'ra bartaraf etmasa;

v) "Ta'minotchi" mansabdor shaxsi iste'molchining suvni hisobga olish uzeli, ichimlik suv va kanalizasiya tarmoqlari, qurilmalari va inshootlarini nazorat qilish hamda suvni hisobga olish asbobi ko'rsatkichlarini qayd etish, plombalarni o'rnatish maqsadida ko'zdan kechirish, belgilangan limitdan ko'p sarf qilinganda suv berishni muvofiqlashtirish va ISKX tashkiloti naryadlari bo'yicha boshqa ishlarning bajarish uchun kelganda iste'molchi tomonidan asossiz ravishda kiritilmaganda;

g) "Ta'minotchi" tomonidan iste'molchi ulangan ichimlik suv va kanalizasiya tarmoqlari va qurilmalarida rejali-ogohlantirish tarzida ta'mirlash hamda xizmat ko'rsatish ishlari o'tkazilganda, shuningdek yangi abonentlarni ulash ishlari amalga oshirilganda;

d) "Iste'molchi"ning xizmat ko'rsatilishida va uning tasarrufidagi kommunal suv ta'minida o'zboshimcha sub-iste'molchilarining ulanib olganligi aniqlanganda;

ye) "Iste'molchi" o'rnatilgan muddatlarda to'lov hujjatlariga muvofiq to'lovnini amalga oshirmaganda;



yo) “Ta’minotchi”ning roziligin olgan sub-ta’minotchilarining “Iste’molchi” tasarrufida bo’lgan kommunal suv ta’minoti xizmatlariga ulanishiga rad javobini berganda;

j) “Iste’molchi” tomonidan communal suv ta’minoti xizmatlarini ko’rsatish shartlariga rioya qilinmaganda;

“Ta’minotchi” quyidagi hollarda oldindan xabar qilmasdan suv uzatishni to’liq yoki qisman to’xtatishga haqli:

- z) “Ta’minotchi”ning energiya ta’minoti to’xtatilganda;
- i) tabiiy ofatlar ro’y berganda;
- y) avariya xolatlarida;
- k) yong’in chiqqan joylarga suv uzatishni ko’raytirishga zarurat tug’ilganda.

### **3.4 “Ta’minotchi”ning majburiyatları:**

a) suv ta’minoti bo’yicha shartnoma shartlarini bajarish;

b) suv yetkazilishini uzluksiz ta’minlash;

v) tizimli ravishda davlat suv ta’minoti, iste’mol obyektlari va qurilmalariga ulangan suv ta’minotining holatini va ishini tizimli nazorat qilishni amalga oshirish va ularni to’g’ri ishlashni tashkil etishda amaliy yordam ko’rsatish, byudjet bilan birgalikda “Iste’molchi”lar suvdan oqilona foydalanish va suvdan oqilona foydalanishni aniqlash, suvni yetkazib berish va iste’mol qilishni qat’iy nazorat qilish va hisobga olish, sanoatga muvofiqligini muntazam ravishda nazorat qilish va ularga tenglashtirilgan suv iste’mol qilish cheklovlariga rioya qilishni nazorat qilish;

g) “Iste’molchi”larga individual hisoblash qurilmalarini o’rnatish, o’rnatilgan tartib va muddatlarda ularning ishini tekshirish;

d) “Iste’molchi”lar suv quvur xo’jaligining tekshirishni (individual hisoblash qurilmasning yaxshi ishlayotganligini tekshirgan, ulardagи nazorat ko’rsatkichlarini olgan va tamg’alarning mavjudligi va butligini aniqlagan holda) bir oyda ko’pi bilan bir marta o’tkazish va tegishli dalolatnomalarni tuzish;

ye) “Iste’molchi”ga ushbu shartnomaning shartlarini bajarmagan hollarda, jarima penya to’lovlarini amalga oshirish;

yo) suv ta’minoti va iste’moliga oid me’yoriy-huquqiy va boshqa hujjatlarning qabul qilinganligi haqida “Iste’molchi”larni xabardor qilish;

j) suv yetkazish uchun xizmat haqi to’lovlarining tariflari oshganda, ular kuchga kirgan kundan boshlab, 15 kun ichida ommaviy axborot vositalari orqali ma’lumot berish;

z) ichimlik suv ta’minoti uchun amalga oshirilgan to’lovlarining holati, qarzlarning yo’qligi haqidagi ma’lumotlar va ma’lumotnomani “Iste’molchi”ga bepul berish;

## **IV. TARAFLARNING JAVOBGARLIGI**

4.1. “Ta’minotchi” ushbu shartnomaga muvofiq majburiyatlarni bajarmaslik yoki lozim darajada bajarilmagan hollarda kelib chiqqan zararni, “Iste’molchi” esa yetkazilgan haqiqiy zararning o’rnini qoplashi shart.

4.2. “Iste’molchi” quyidagilar uchun javobgardir:

a) suv hisoblash qurilmasidagi tamg’alar, aylanish chizig’i jo’mragi, gidrantlar va boshqa suv uzatish moslamalaridagi qismlarning uning hududida va tasarrufida bo’lgan yoki tamg’alangan hisoblash qurilmalarining butunligi va saqlanishi uchun;

b) suv tarmoqlariga o’z boshimcha ulanib olish, sovuq suvni hisobga olish qurilmalarining qasddan buzilishiga yo’l qo’yish hamda suv hisoblash qurilmalaridagi ko’rsatkichlarni tashqaridan aralashgan holda o’zgartirish holatlari uchun;

v) qonunchilikda o’rnatilgan boshqa hollarda;

g) o’zboshimchalik bilan qurilgan inshootlar sababidan, tarmoqlardagi avariylar bo’lgan holatlarda;

4.3. "Ta'minotchi" quyidagi hollarda javobgardir:

- a) amaldagi me'yoriy-huquqiy hujjatlarning talablariga muvofiq, uzatilayotgan suvning sifati va qonunchilikda va shartnomma shartlarida ko'zda tutilgan boshqa hollarda;
- b) "Iste'molchi" larga suv ta'minotiga ularish uchun zarur bo'lgan texnik shartlarning o'z vaqtida va ishonchli taqdim qilinishi uchun;
- v) "Iste'molchi"ning hayoti, salomatligi va mol-mulkiga yetkazilgan zarar, ma'naviy zarar uchun qonunchilikda o'rnatilgan tartib va miqdorda, qoplash;
- g) shartnomma shartlari va yuklatilgan majburiyatlarni bajarmaslik;
- d) qonunchilikda o'rnatilgan boshqa hollarda.

## V. SUV TA'MINOTI UChUN HISOB-KITOB QILISH TARTIBI

5.1. Kommunal suv ta'minoti tizimidan chiqarilgan suvning hisobi hisoblash qurilmasi mavjud bo'lganda, hisoblash qurilmasining ko'rsatkichlariga muvofiq, amaldagi tariflar bo'yicha QQSni hisobga olgan holda amalga oshiriladi.

ichki tizimi markaziy suv ta'minoti tizimi bilan tutashmagan bo'lishi kerak.

## VI. ALOHIDA ShARTLAR

### VII.

6.1. "Iste'molchi"ning suv uzatish xo'jaligidagi barcha o'zgarishlar "Ta'minotchi" tomonidan "Iste'molchi"ning xati kelib tushgan kundan boshlab hisobga olinadi.

6.2. Yetkazib berilgan yoki qabul qilingan ichimlik suvi xajmi quvurning o'tkazish qobiliyatidan kelib chikib oyning kalendar kunlari hisobidan quyidagi formula asosida xisoblanadi:

$$Q = M \times F \times \sqrt{2g \times H} \times t$$

bunda:  $M$  – 0,60ga teng bo'lgan zulfin orqali suv sarfi koeffisiyenti;

$F$  – suyuqlik oqib o'tadigan quvur yoki teshik kesimi maydoni (ichki diametr bo'yicha)  $m^2$ ;

$g$  – 9,81 m/sek.ga teng bo'lgan erkin tushish tezligi;

$N$  – suvningmetrlardagi bosimi;

$t$  – vaqt, 24 soat, sekundlarda.

### Quyidagi holatlarda:

6.2.1. "Iste'molchi"ning suv o'lhash asbob va moslamalari yo'q bo'lgan holatlarda;

6.2.2. Ichimlik suvidan o'zboshimchalik bilan foydalaniyganda;


6.2.3. Suv o'lhash asbobi, moslamasi iste'molchining aybi bilan ishdan chiqqan, singan, buzilgan holatda, sarflangan suv hajmi ushbu shartnomma 6 qismining 6.2. bandida ko'rsatilganiga muvofiq, eng so'nggi tuzilgan dalolatnomma muddatidan yangi suv o'lhash asbobi o'rnatilib, (ro'yhatdan o'tkazilgan) kungacha hisoblanadi;

6.2.4. II va III guruh iste'molchilarida suvni hisobga olish asboblarining ishlashi nazorat qilinganda, o'lchovlarning texnik tavsifnomasida yo'l qo'yiladigan minimal chegaradan kam miqdorda suv iste'mol qilingan taqdirda ISKX tashkiloti suv o'lhash uzelini amalda sarflanayotgan suv hajmiga mos, kichikroq diametrдagi asbobga (berilgan kundan keyingi 30 kalendar kun ichida) qayta jihozlashga ko'rsatma beradi. Bu ko'rsatma bajarilmagan taqdirda;

6.2.5. Suv o'lhash asbobini davlat nazoratidan o'tkazish muddatlari (to'rt yilda bir marta) tugagandan so'ng ogoxlantirish xati yuborilgandan keyin qiyoslashdan o'tkazish choralar ko'rilmaganda;

6.2.6. Suv o'lhash asbobining hisob-kitobini olib borish bo'g'inidagi ko'yilgan himoya qoplamiga ruxsatsiz tegilish natijasida, ichimlik suvi sof sarfini aniqlash imkoniyatini chegaralanganda;

6.3. Suv ta'minoti tizimlariga (shu jumladan, suv olish kolonkalari va o't o'chirish gidrantlari, tuyning kiritma va chiquvlariga ham) o'zboshimchalik bilan ulanib olish, shuningdek ushbu tizimlardan o'zboshimchalik bilan foydalanish holatlari aniqlanganda, "Ta'minotchi"



xodimi tomonidan dalolatnoma tuziladi va shu tuzilgan dalolatnoma o'zboshimchalik bilan ulanib olgan shaxsning javobgarligi darajasini aniqlash va "Ta'minotchi"ga yetkazilgan zararni hisoblash uchun asos bo'lib xizmat qiladi. Bunda:

- to'lov muddati, eng so'nggi tuzilgan dalolatnoma sanasidan o'zboshimchalik bilan ulanib olingen kun sanasigacha yoki o'zboshimchalik bilan ulanish o'zib tashlangan kunga qadar hisobga olinadi;

o'zboshimchalik bilan ulanib olingen sanadan bu haqda ma'lum bo'lgan sanagacha, agar "Ta'minotchi" balansidagi tarmoqlarga ulanish sodir etilgan bo'lsa, bu muddat da'vo arizasi yozilgan muddatdan oshmasligi zarur. Agar o'zboshimchalik bilan ulangan sanani topish, aniqlash mumkin bo'lmasa, bu muddat da'vo muddatiga teng deb olinadi;

6.4. Texnik shartlar 2 yil muddatga beriladi. Belgilangan muddat tugagach buyurtmachi (obyektni loyihalashtirish va qurishni boshlash uchun) loyiha muddatini cho'zdirishi yoki yangi texnik shartlarni olishi zarur.

Texnik shartlari mavjud bo'limgan xolda yoki muddati o'tgan xollarda "Ta'minotchi" tomonidan suv ta'minotini to'xtatish uchun asos bo'ladi.

6.5. "Iste'molchi" kommunal suv ta'minotiga ulanish sanasi haqidagi hujjatlarni taqdim etmagan holatlarda "Ta'minotchi" tomonidan hokim qarori, kadastr hujjatlariva shu kabilar asosida, hujjat bilan tasdiqlangan ulanish sanasi bo'yicha hisob-kitob qilishga haqlidir.

6.6. Ishlatilgan ichimlik suvi uchun to'lovlar "Ta'minotchi" tomonidan taqdim etiladigan to'lov talabnomalari asosida ularga xizmat qiluvchi banklar orqali amalga oshiriladi. Bu to'lovlar "Iste'molchi" tomonidan 3 kun muddat ichida, aksepsiz tartibda amalga oshiriladi. To'lovlar o'z vaqtida amalga oshirilmagan taqdirda, "Ta'minotchi" kechiktirilgan to'lovning har bir kun uchun 0,4% penya yozadi va uning umumiyligi qiymati asosiy to'lovning 50%dan oshmasligi lozim.

6.7. "Iste'molchi"ning hisob raqami bo'limgan taqdirda, to'lovlar bank bo'limlarining kirim cassalari orqali, hisobot davridan keyingi 10 kun muddat ichida to'lanadi.

6.8. "Ta'minotchi" to'lovning har bir davri uchun, avvalgi oy to'lovining 100% miqdorda oldindan to'lovlar(predoplata)ni belgilaydi va bu to'lov keyingi oy hisobiga qo'shiladi. Agarda "Iste'molchi" ikki hafta ichida to'lovlarini amalga oshirmsa, "Ta'minotchi" 5 ish kuni avval yozma ravishda ogoxlantirgan xolda ichimlik suvini yetkazib berishni qarzlarini undirmagunga qadar to'xtatib qo'yish huquqiga ega. Bunday hollarda yong'indan saqlanish va sanitariya holatlari uchun javobgarlik to'liq "Iste'molchi" zimmasiga yuklatiladi. Suv ta'minoti ilgari uzib qo'yilgan hollarda qayta ularshda III guruh iste'molchilaridan bazaviy xisoblash miqdorining 10 (o'n) baravari miqdorida to'lov qayta ularshni amalga oshirgan tashkilot hisobiga mablag'larni o'tkazish orqali 3 kundan kechiktirmay tarmoqqa ulanadi;

6.9. Hisob-kitoblarning noto'g'ri qilinganligi (tariflarning noto'g'ri hisobga olinganligi va shu kabi holatlar) to'g'risida "Iste'molchi" yoziladigan e'tiroznomalar to'lov hujjati olingandan keyin 5 kun muddatda "Ta'minotchi"ga taqdim etilishi kerak. E'tiroznomalar "Iste'molchi"ni to'lov xujjatida ko'rsatilgan summani to'liq va belgilangan muddatda to'lashdan ozod qilmaydi.

### VIII. NIZOLARNI HAL ETISH TARTIBI

7.1. Taraflar o'rtasida shartnoma yuzasidan kelib chiqqan nizolar, kelishuv yo'li bilan hal qilinadi. Agarda ikki tomonlama kelishuvga erishilmasa, nizolar qonunchilikda belgilangan tartibda Buxoro tumanlar aro iktisodiy sudida ko'rildi va bartaraf etiladi.

7.2. Ushbu shartnomada belgilanmagan holatlar yuzasidan nizo kelib chiqqan taqdirda, Qonunchilikda belgilangan tartibda hal qilinadi.

### IX. FORS – MAJOR

8.1. Agar ushbu shartnoma bo'yicha majburiyatlar qisman yoki to'liq bajarilmasligi tabiat hodisalari va boshqa yengib bo'lmaydigan kuch (fors-major) holatlari (zilzila, suv toshqini, yong'in, sel, do'l, jala va boshqa tabiiy ofatlar) natijasida kelib chiqsa va agar bu holatlar mazkur

shartnomaning bajarilishiga bevosita ta'sir etsa, tomonlar bunday bajarmaslik uchun javobgarlikdan ozod etiladilar.

Mazkur shartnoma bo'yicha majburiyatlarni bajarish muddati yengib bo'lmaydigan kuch holatlari amal qilgan, shuningdek ushbu holatlar yuzaga keltirgan vaqtga mutanosib ravishda uzaytiriladi.

8.2. Fors-major holati mavjud bo'lgan tomon 3 kun ichida boshqa tomonni fors-major holati boshlangan muddatlarni ko'rsatgan holda yozma ravishda ogohlantirishi lozim.

8.3. Agar fors-major holatining shartnoma shartlarini bajarishga uch oydan ko'p muddat to'sqinlik qilsa, tomonlardan biri shartnomani bekor qilish huquqiga ega.

## IX. ShARTNOMANING AMAL QILISH MUDDATI

9.1 Ushbu shartnoma ikki nusxada tuzilgan bo'lib, ikki tarafda bir nusxadan saqlanadi.

9.2 Shartnoma 2022 yil 01 yanvardan boshlab kuchga kiradi va 2022 yilning 31 dekabrigacha amal qiladi, yoki taraflardan biri bo'lmish iste'molchi yetkazib beruvchini ogohlantirgan holda, to'lovlarni to'liq to'lagan kuniga qadar amal qiladi.

## X. TARAFLARNING YuRIDIK MANZILI:

**"TA'MINOTChI"**

«Damxo'ja suv ta'minoti» MChJ

Buxoro shaxar Ibn-Sino kuchasi

9-uy

x/r 22638000800309869540

Bank kodi: 00088

AITB Ipoteka Buxaro viloyati

INN : 201514224

HHTUT : 90213

Tel: (8595) 600 -72- 60;

Faks: (8365) 225 - 54 - 41

El.pochta: Damxodja@mjko.uz

Rahbar

K.R.Jamolov

M.O'.  
imzo)

(F.I.Sh.)

« \_\_\_\_ » 202 \_\_\_\_ y.

Manzil

OOO «SAMARQAND SUV TA'MINOTI»  
г Самарканд ул Узбекистанская 114-А  
Тел. 66-237-04-08, 66237-48-85  
Р/С 2026000300307743001  
Сам обл отд. АКИБ "Ипотека банк"  
г Самарканд МФО 00312  
ИИН 200613125 ОКЭД 36000

Tel: \_\_\_\_\_

Faks: \_\_\_\_\_

h-r \_\_\_\_\_

Bank \_\_\_\_\_

Bank \_\_\_\_\_

STIR \_\_\_\_\_

XHTUT \_\_\_\_\_

kodi \_\_\_\_\_

Huquqshunos: \_\_\_\_\_ (F.I.O)  
(imzo)

Suv ta'minoti bulimi:

Rahbar \_\_\_\_\_  
M.O'.  
(F.I.Sh. imzo)

« \_\_\_\_ » 202 \_\_\_\_ y.